



VNIVERSVM Moscoviæ imperium longè lateque extenditur, atque totam nunc occupat Russiam, Polonia & Lithuania exceptis, quæ sub Russiæ etiam nomine comprehenduntur. partem eius Europa, partem Asia occupat, eiusque discrimen Tanais fluvius facit. Terminatur quidè à Septentrione Mari glaciali: ab Oriente in Meridiem reflectendo Tartaros attingit: à Meridie Lithuanos finitimos habet: ab Occidente verò Liouoniam contingit, atque etiam Finlandiam regionem Polna fluuii diuitiam, quæ ad Suetiæ Regem spectat. Situm est autem Moscoviæ regnum inter parallelum 19. gradus 52. latitudinis, & parallelum 43. qui est gradus 66. latitudinis: hoc est, iacet inter octauum climatis medium, atque incidit inter Tropicum Cancræ, & circulum Arcticum. vnde isthic maximè accidit varietas in diei longissimi æstatis quantitate. nam in Meridionalissimo Moscoviæ parallelo maxima dies est horarum 16. cum dimidia: & in Septentrionalissimo, qui non longè à Tropico Cancræ incidit, est horarum 22. cum dimidia. Est autem hæc regio in vniuersum paludosa, lutosa, humida, ac parum fertilis, ob immoderatam & asperam æris temperiem, ob agrumque arenosum, vnde segetes asperimo frigore diuturnæ hyemis rarè maturescunt, ideoque in hypocauftis manipulos deficcant. frumento tamen oleribusque abundat. Vitem non producit, neque oleam, & ceras ac nucibus (præterquam auellanis) caret. aliorum generum fructus profert, verum insuaues. Est verò in superiori eius parte nemorosa, vniuersumque immensis obsita, quarum arbores celsissimæ sunt ac densissimæ, quæ quidem sunt Hercyniæ syluæ partes. in eis autem mirum in modum fera animalia maiora & optima venantur, qualia sunt vrsi, alces, cerui, vrsi, lupi, & lepores præsertim, & alia huiusmodi, quorum pelles in varias Europæ vehuntur regiones, inter quas nonnullæ pretiosissimæ sunt, caroque venduntur pretio. Pecora ipsorum nostris longè sunt minora. abundat opibus, quæ non in aluarijs solummodò manufactis mella congregant, sed & nemorum arbores cauas melle replent; vnde præcipuum quæstus ex cera & melle faciunt incolæ. Nobile quoque linum & canabis in rebus ex Moscouia in omnem Europæ partem aduehitur. Nulla auris, argenti, vel alterius metalli vena, ferro excepto, in hac regione reperitur. Præterea terræ huius coclum admodum salubre est, vt ibi vltra Tanais fontes Septentrionem & Orientem versus nulla vnquam pestis sæuiat: etsi morbum haud dissimilem habeant, Calorem ab ipsis vocatum, qui intestina & caput infestat adeo, vt paucis diebus post pereant. Regio porò hæc vndique ferè ab innumeris fluuijs irrigatur, inter quos multi egregij ac memorabiles sunt, tum nauigatione & magnitudine sua, tum etiam piscium copia quibus affluunt. horum præcipui sunt qui vel ortum isthic ducunt, vel regionem ipsam præterlabuntur: Borysthenes, Turuntus siue Duina, Rha seu Volga, Tanais & Occa.

Moscouiæ vt plurimum sunt robusti ac celeres, statura mediocri, cæsijs oculis, promissa barba, crure breui, & ventre extenso. miserima opprimuntur seruitute, nobiles quidem à suo Duce, plebei verò & coloni à nobilibus. miseram quoque ducunt vitam in cibo & potu, aquam enim, ceruisiam & medonem bibunt, omni que potus inebrians ipsis prohibetur, nec nisi bis aut ter in anno inebriari ipsis concessum est. Barbari sunt & perfidi, vt nihil sinceri apud ipsos sit, nec se vnquam vero ac naturali amore persequuntur. imò adeo ipsis iustitia omnis venalis est, vt pater in filium insultet, filius in patrem ac matrem irruat. Huius Ducatus, imò totius Russiæ albæ magno Duci subiectæ caput & metropolis est Mosconia, quæ vnà cum regione nomen sortitur à fluuiio eam præterlabente, qui in Triuerensi prouincia non longè à Mosaisko oppido exoritur. Arx magna Ducis & Palatium in loco plano et vrbis meditullio sita est, septendecim turribus, tribusque propugnaculis munita, vbi ipse magnus Dux cum suis satellitibus 25000. numero moratur. Ipsa verò vrbis lignea ferè omnia habet edificia, & lutosa & admodum ampla est, nec villo certo termino contenta, neque muro, fossa, propugnaculisue commodè munita. ædes complectitur 41500. & plateas habet multas, sed







dispersas, latissimis campis interiectis. Longissimus dies in solstitio Aestiuo est in ciuitate Moscouiæ 18. propè horarum, qui in tota Moscouiæ regione parum variat. Sunt autem cæteræ prouinciæ quibus amplissimus hic Ducatus partim iusta successione, partim vi vel fraude aduictus est, hæc sequentes: Volodimeriæ Ducatus, Nouogardiæ inferioris Ducatus, Rhezan prouincia, VVorotinenfis Ducatus & Seuera prouincia, Smolenski ducatus, Mofaiski ducatus & Biela principatus, Ruschouia, Tuuer, Plefcouia, Nouogardiæ magnæ ducatus, Volzka regio & Corella prouincia, Bieleiezioro ducatus, VVolochda & Vstyug prouinciæ, Iaroslauia ducatus, & Rostov principatus, Dvina prouincia, Susdali principatus, VViathka prouincia, Permia prouincia, Iugra regio, Petzora regio, Czeremissi populi sub Nouogardia in vastis syluis sine vllis ædibus habitantes, propriam habent linguam, Mahumetiçue dogma sequentes: omnes tam viri quàm scemina sunt cursu velocissimi, & sagittarij perfectissimi, arcu nunquam è manibus deposito, quo adeo oblectantur, vt etiam filijs cibum non præbeant nisi præfixum scopum sagitta feriant. ferina carne & melle victitant, pene rarò vtentes: pellibus vestiuntur, quas etiam pro tributo duci pendunt, nam subiacent Casanæ vrbi iuxta Volgam fluium. denique sunt Mordua populi ad Volgam infra Nouogardiam inferiorem.

